

續金華叢書



續金華叢書



悅齋文鈔序

悅齋文集四十卷別集三卷千頃堂書目尙著錄然蘇平仲悅齋文粹序云諸孫懷敬得重刊本以發題愚書足四十卷之數且駢麗之什應用之作居多非復稿次之舊是文集原本明初已佚黃氏所錄殆重刊本歟自懷敬刪重刊本爲文粹而四十卷之本遂不復傳趙鶴爲金華守編金華文統意在表章道學悅齋之文橫遭屏斥雪崖戚氏雖覺其非然所編金華文軌僅錄悅齋文五篇周秦道藝諸論館職諸策上諸執政書以文多不錄及霞嶼阮氏編金華文徵時文粹已散佚然猶賴其掇拾殘賸得存什一於千百今東陽王氏金華文略所收二十一篇卽從阮氏本錄出也楠曩於二十一篇外從雋氏禮記集說得郊祀明堂社稷彝尊卜筮等說六篇於文獻通考得九畿及司徒建國案此篇亦見五禮通考二篇於玉海得軍賦及圖書卦章說二篇於歷代名臣奏議得劄子五篇又於山堂考索得禮記發題之半於嘉靖浙江通志得台州郡學記中津橋記於文軌得筆說於經

義考得孝經解序六義四始說於金華府志得金華縣治記續八詠
詩於赤城志得游蓋竹山詩於金華詩粹得雲峯院石洞邨舍諸詩
都爲一冊以冀續獲旋從姚春木家得殘本悅齋文粹校勘曩所得
者復於所錄外得劉子二篇館職策二篇官制兵制田制總序三篇
論十三篇雜著六篇經說四十餘則以奉檄徐州未及編次歸里後
先大夫命葢茲事採摭粗就不幸棄養又復中輟近馮羊山以其先
都諫所輯唐氏經解錄見贈內田廬保伍九州十二州五行五紀八
政入統十二月卦等二十五篇皆嚮所未見而曹栞生及唐氏允執
尙圭兄弟亦以辟疆園宋文選發賢言行略厚園唐氏譜來助校因
與濟之合諸本勘訂以成先志除易書春秋論語孟子諸論孝經解
序編入九經發題諸篇本發題文阮氏朱氏掇拾於散亡之餘故易其篇題詩說六義四始說編
入詩解軍賦說軍制答問編入魯軍制九問別自爲卷外凡荀子九
篇館職策四篇書二篇序說三十六篇論十九篇雜文十四篇詩十
二篇編爲十卷而以逸篇逸句附於第十卷之末蘇平仲云悅齋著

述因爲朱子所排皆漸滅不存朱竹垞云林黃中唐與政皆博通經學一糾朱子一爲朱子所糾所著經說學者遂置而不問戚雪崖云君子不以人廢言若唐與政以帝王經世之學雄視一時其文要亦不可盡沒其善今悉從擯棄非惑歟全謝山云王深寧私淑朱子而困學紀聞引悅齋之言津津如此已見昔人之有同心近於永樂大典中得詩文若干首鈔而編之以備南宋一家之言卽令朱子復起或亦以予爲然四君追悼遺文之亡不無遺恨於新安未派然吾觀兩宋通儒如鄭夾漈洪容齋王伯厚文集皆盈百卷而今存者寥寥卽吾婺潘默成集十五卷方韶卿存雅堂稿三千篇今殘稿不滿百篇此非有人拉雜摧燒者而殘缺若是則或傳或否似有數焉存乎其間未必盡由秦炬也且使悅齋無可傳彼依草附木者必不屑忌而排之至排之不已舉其著述拉雜摧燒之必其經術文章萬非若輩所及攻之則不能留之則惡其害已而後忍而爲此舉也然托克托等欲沒其人不知周氏密葉氏紹翁張氏樞宋氏濂鄭氏栢錢氏

士升朱氏右童氏品應氏廷育吳氏之器王氏崇炳已採其遺事傳之矣趙鶴吳師道輩欲廢其書不知衛氏提馬氏端臨王氏應麟蘇氏伯衡楊氏士奇阮氏元聲戚氏雄馮氏亮及朱氏彝尊秦氏蕙田顧氏宸朱氏炎姜氏韜全氏祖望已搜其遺文傳之矣且彼又烏能逆料六百年後斷簡殘編仍登秘閣得仰邀聖主之褒題哉然則悅齋之不朽者仍不朽矣茲編較原集雖甚少較文軌文徵文畧所收則已多欲觀悅齋之文者殆莫能舍是矣惟全氏所編既訪求未獲而永樂大典藏在禁廷又非外吏所能到吾鄉幸有讀書中秘者肯賁油素往鈔乎吾知必有好事如謝山者張作楠序

唐悅齋先生文鈔目錄

續金華叢書

卷一

館職備對劄子一

殘本悅齋文粹 歷代名臣奏議

館職備對劄子二

文粹 名臣奏議 金華文徵 金華文略

館職備對劄子三

文粹 名臣奏議

館職備對劄子四

文粹 名臣奏議

信州朝辭劄子一

文粹

信州朝辭劄子二

文粹 文徵 文略

台州入奏劄子一

文粹 名臣奏議

台州入奏劄子二

文粹

台州入奏劄子三

文粹 名臣奏議

卷二

館職策一

文粹

館職策二

文粹

文徵 文略 婺賢言行略 厚園唐氏譜

館職策三 文粹 文徵 文略 姦賢言行略 唐氏譜

館職策四 文粹 按此篇斷爛不完

卷三

上張相公書 文徵 文略 辟疆園宋文選 唐氏譜

上四府書 文徵 文略 宋文選 唐氏譜

卷四

官制總序 文粹

兵制總序 文粹

田制總序 文粹

井田綱領上 文粹 文徵 金華文軌 唐氏經解錄 文略

按此下三十三篇皆別見帝王經世圖譜

井田綱領下 文粹 文徵 文軌 經解錄 文略 姦賢言

田廬說 經解錄

保伍說 經解錄

授田異同說 經解錄

力政異同說 經解錄

周知民數說 經解錄

太宰九職九賦九式九貢說 經解錄

農桑勸課說 經解錄

委積補助荒政說 經解錄

農隙講事說 衛氏禮記集說 經解錄

齊內政寄令變周說 經解錄

卷五

九州十二州說 經解錄

九畿說 文獻通考 經解錄

司徒建國說 經解錄

司徒建國與武成分土孟子頌祿異同說 文獻通考 五禮通考 經解錄 唐氏譜

建極說 經解錄

三德會極說 經解錄

五行五事庶徵感通說 經解錄

五紀庶徵感通說 經解錄

五紀說 經解錄

八政說 經解錄

圖書卦章說 玉海 經解錄

卜筮說 禮記集說 經解錄

卷六

祀天說 禮記集說 經解錄

祀地說 經解錄

社稷說 禮記集說 經解錄

彝尊說 禮記集說 經解錄

明堂說 禮記集說 玉海 經解錄
按集說止探明水一段

學校說 經解錄

八統說 經解錄

鄉入刑說 經解錄

明刑弼教說 經解錄

卷七

湯誓論 文粹 經解錄

周論 文粹

秦論 文粹 文徵 文略 唐氏譜

漢論 文粹

魏論 文粹

晉論 文粹

唐論 文粹

范蠡論 文粹

王陵論 文粹

汲黯論 文粹

卷八

顏曾論 文粹 文軌 婺賢言行略 唐氏譜

子思論 文粹

孟子論 文粹 按文徵所收孟子論乃孟子發題之文

荀卿論 文粹

性論 文粹 文徵 文略 婺賢言行略 唐氏譜

學論 文粹 文徵 文略 婺賢言行略 唐氏譜

詩論 文粹

道藝論 文粹 文徵 文略 唐氏譜

釋老論 文粹 文徵 文略 唐氏譜

卷九

讀十二月卦 經

讀仲虺之誥 文粹

讀盤庚 文粹

武成脫簡

文粹

讀荀子禮論

文粹

讀荀子樂論

文粹

送同官黃教授序

文徵

文略

宋文選

唐氏譜

韓子後序

文徵

文略

唐氏譜

重修金華縣治記

金華府志

唐氏譜

重修台州郡學記

赤城志

嘉靖浙江通志

唐氏譜

新建中津橋記

赤城志

浙江通志

唐氏譜

筆說

文軌

題王介甫荀卿論下

文粹

書秦少游書王蠋事後

文軌

文徵

文略

宋文選

葵賢

卷十

續八詠

并序

金華府志

唐氏譜

石洞

金華縣志

金華詩粹

金華詩錄

游蓋竹山

赤城志

唐氏譜

金華詩粹

雲峯院

詩粹

詩錄

邨舍

詩粹

詩錄

逸篇逸句

悅齋文鈔卷一

續金華叢書

宋金華唐仲友撰

館職備對劄子一

臣聞人主之道清源正本而不從事於末流是以所操彌約而所事彌大所治彌近而所及彌遠臣嘗質諸經訓深探治道之原本竊以爲成治功在善風俗善風俗在行直道行直道在去私心箕子之書曰無偏無陂遵王之義無有作好遵王之道無有作惡遵王之路無偏無黨王道蕩蕩無黨無偏王道平平無反無側王道正直會其有極歸其有極言私心去而直道行也繼之曰皇極之敷言是彝是訓于帝其訓凡厥庶民極之敷言是訓是行以近天子之光言直道行而風俗善也終之曰天子作民父母以爲天下王言風俗善而治功成也蓋私欲公義在方寸間如衡之首尾此重則彼輕如田之苗莠彼消則此長好惡一出於作偏黨反側一萌於中決擇差於毫釐而天下之從風而靡者已不勝其眾治道亦從而隳深可畏哉臣仰惟

陛下紹累聖之休緒繼太上之不業宸心孜孜夙夜勵精以求治功之成蓋無所不用其至是宜中外丕應以承休德然而十年於此僅克小康而未能卓然遠追隆古之盛臣嘗推原其故則縉紳之列奉法循理者雖眾而誕謾苟且之責尙煩於司敗閭里之間利仁樂義者豈無而姦宄詐僞之罪日干於刑書未見聖人在上而風俗之難善如今日者也明詔屢下豈不丁寧懇切而美意未孚臣竊惑之意者直道之有未盡行歟且大公至正之道人心同然不爲智有而愚無亦非昔多而今寡豈直道可行於古而不可行於今哉子曰斯民也三代之所以直道而行也言民無淳漓道有興廢人君亦當求諸已而已臣觀自古直道之行本於正心誠意之間顯於舉賢放佞之際故益之戒舜先以儆戒無虞罔失法度罔游于佚罔淫于樂繼以任賢勿貳去邪勿疑仲虺之告湯先以不邇聲色不殖貨利繼以德懋懋官功懋懋賞此古之賢臣所以諄諄於聖君而聖君不以旣知旣能而滿假怠忽者也陛下勤勞萬幾清心寡慾正心誠意之道固

所躬行剛明果斷綜覈名實舉賢放佞之道亦所洞曉然區區微臣猶欲以古人之望於君者事陛下惟聖意察臣愚忠少加淵慮防私心如禦寇仇存公道如護元氣內而察諸存心之初勿使一毫或出於嗜好之私而非先王之法度外而察諸用人之際勿使一職獨出於左右之舉而拂天下之公議倘有則斷而去之既去則敬而守之此心既存此誠既著直道猶有不如三代之隆臣不信也詩曰周道如砥其直如矢君子所履小人所視惟陛下念之取進止

館職備對劄子二

臣仰惟陛下紹太上興復之基念中原陷溺之苦憂勤宵旰於茲十年聖意未嘗一日不在於恢復也荷付託之重既不可畏憚而自怠圖艱難之業又不可果敢而欲速然則建一定之規收萬全之效在陛下先審其本末而已曷謂本治安是也曷謂末富强是也安者必富富而不安其富易貧治者必强强而不治其强易弱此本末之所由分人君之用心不可以不審也用心於其本則所進者皆道德仁